

2023 URTEKO UDAL EGUTEGIA SORTZEKO ARGAZKI LEHIAKETA

OINARRIAK

LEHENENGOA: Helburua

Zizur Nagusiko Udalak, 2023 urteko udal egutegia sortzeko argazki lehiaketaren bigarren edizioa jarri du martxan.

BIGARRENA: Parte hartzaileen baldintzak

Argazki lehiaketan parte hartu dezakete 16 urte edo gehiagoko pertsonak, udalerrian erroldaturik egonda edo ez.

HIRUGARRENA: Oinarrien iragarpena

Zizur Nagusiko Udalak bere web-orrian emanen du deialdiaren berri (www.zizurmayor.es), baita udaleko iragarki-taulan eta sare sozialetako profil ofizialetan ere.

LAUGARRENA: Lehiaketaren baldintzak

- Parte-hartzaile bakoitzak gehienez hiru irudi bidal ditzake.
- Aurkezten diren irudi guztiek jatorrizkoak edo argitaratu gabeak izan behar dute, egungoak edo artxibokoak, eta ezingo dira beste lehiaketa batean sariturik izandako argazkirik aurkeztu, ez eta beste ezein bidek erakutsi, argitaratu edo zabaldukoak ere.
- Parte-hartzaileen erantzukizuna izango da hirugarrenei eskubiderik ez egoteaz, eta irudi-
eskubideak direla-eta erreklamazioak egongo balira.
- Lehiaketaren gaia hurrengoa da: “Zizur Nagusia: tradizioak, lekuak, uneak, pertsonaiak, etab.”.
- Argazkiak helbide honetara bidali behar dira: participacion.partaidetza@zizurnagusia.eus, 2022ko urriaren 12tik 2022ko urriaren 31ren 23:59ak arte.
- Irudiak bere izenburuarekin izendatu beharko da, eta ezin izango da inolaz ere argazkiaren egilea identifikatu.

- Argazkiek ez dute sinadurarik edo ur-markarik izango, eta pdf formatuko beste dokumentu batekin batera aurkeztu beharko dira. Bertan, argazkiaren izenburua, egilearen izen-abizenak, helbidea, telefono zenbakia eta posta elektronikoa, eta Nortasun Agiri Nazionalaren argazkia zehaztuko dira.
- Argazkiak orientazio horizontalean eta tamaina digital errealean aurkeztu beharko dira, A4 tamainan behar bezala ikusteko adinako kalitatearekin.
- Argazkiak kolorez zein txuri – beltzean aurkeztu daitezke.

BOSTGARRENA: Akatsen zuzenketa

Aurreko atalean eskatutako baldintzak betetzen ez dituen irudi bat jasotzen bada, Zizur Nagusiko Udaletxeko gazteri eta herri partaidetzako teknikaria irudi hori bidali duen pertsonarekin jarriko da harremanetan, lehenengo argazkia jaso zenetik 5 eguneko epean aurkitutako akatsak zuzentzeko eskatzeko. Zuzentzen ez badira, argazkia ez da onartuta izango.

SEIGARRENA: Epaimahaia

Antolatzaileek izendatutako kideek osatuko dute epaimahaia. Hona hemen kideak:

- Lehendakaria: Gazteri eta Herri Partaidetzako batzordeburua, edo berak esku emandako Zizur Nagusiko korporazioko beste kide bat.
- 4 Batzordekide: Gazteria eta Herri Partaidetzako Batzordeko zinegotziak, edo eskuordetzen duten Udalbatzako kidea.

Epaimahaiburuak egingen du deialdia, Udalaren ohiko bideak erabiliz.

Epaimahaia behar bezala osatuta egon dadin, gutxienez bi kide bertaratu beharko dira.

Zizur Nagusiko Udaleko idazkaria epaimahaiko idazkari arituko da, hitzik eta botorik gabe, epaiaren fede emanaz. Idazkaria ez baldin badago, Udaleko Gazteri eta Herri Partaidetzako teknikaria gaituko da.

ZAZPIGARRENA: Balorazio irizpideak

Aurkeztutako obrak irizpide hauen arabera baloratuko dira:

1. Proposatutako gaiarekiko lotura
2. Irudiaren estetika

Epaimahaiaren erabakia Udalaren web orriaren eta sare sozialen bidez jakinaraziko da, bai eta sarituei zuzenean korreo elektronikoaren bidez edota telefono dei baten bidez.

ZORTZIGARRENA: Sariak

Hautatutako hamabi argazkiek 50€-ko sari bat jasoko dute, transferentzia moduan saritutako pertsonaren kontu zenbakira, Udaletxeko gastu korronteen aurrekontu sailerako karguarekin. Horretaz gain, hautatutako irudiak, egiletza behar bezala aipatuta, 2023. urteko udal egutegian sartuko dira eta herriko etxe guztietan banatuko da.

BEDERATZIGARRENA: Irudi parte hartzaileen tratamendua

Aurkeztutako lanak Udalaren esku geldituko dira, eta honek, irabazi asmorik gabe, eskubide guztiak gordeko ditu erabili, erreproduzitu edo zabaltzeko, betiere egileak behar bezala aipatuta.

HAMARGARRENA: Oinarriak onartzeko konpromisoa

Lehiaketan parte hartzeak oinarri hauek onartzea dakar, ondorioz, horiek ez betetzeak lehiaketatik kanpo utziko ditu parte hartzaileak.

HAMAIKAGARRENA: Izaera pertsonaleko datuen tratamenduari buruzko informazioa

Zizur Mayor - Zizur Nagusiko Udala da izaera pertsonaleko datuak tratatzeko arduraduna. Datuok Udalak antolatutako jardueretan herritarren parte-hartzea kudeatzeko erabiliko dira, botere publikoen jardunean. Datuak, indarrean dagoen legeriari jarraiki, lagatu ahalko dira. Datuak ikusteko, zuzentzeko eta ezabatzeko eskubidea duzu, udal bulegoetara jotz. Lehiaketa honekin lotutako izaera pertsonaleko datuen tratamenduari buruzko informazio gehigarria ikus dezakezu www.zizurmayor.es web orriko lege-oharrerako atalean.

Zizur Mayor - Zizur Nagusiko Udalak eskubidea gordetzen du irabazleen eta hauen senideen izena eta/edo irudiak zabaltzeko, egoki deritzon bitarteko eta formetan, lehiaketa ezagutzera emateko. Halaber, Udalak konpromisoa hartzen du argazki horien erabilerak ohorearen, intimitatearen eta norbere irudiaren aurkako kalterik sortu ez dezan, datuen babeserako eta ohorerako, intimitaterako eta norbere irudiaren gaineko legeria errespetatuz. Bestalde, hartutako eta zabaldutako irudi horiengatik ez dela inolako konpentsaziorik emanen jakinarazten du.